

An klina  
abstecher in dia Thailändisch provinz  
ihra nama isch sai und si lächlet no vil  
wia z leba so spielt für as kind so wia si  
ohni hilf ohni gfühl vo familiemitglied

/ liabi empfindet nur dr vater für si  
doch er schafft in dr stadt für hand voller bat  
sin zahntag loht dia schulda nid verschwinda  
und z familiaglück laschtet uf da schultera vo ihra

anstatt / sich immer über alles z beklaga  
macht si ihri arbet ohni tadel im alltag  
ohni wenn und aber wird dr ganzi huushalt erledigt  
si opferet jeda tag, jedi minuta vor freizit

si will nid frei si denn so het ma si erzoga  
disziplin, gsicht macha und nebabi no kocha  
d grosseltera hetten liaber an eltera bruader  
und si schlönd si mitem stock für fähler wo si suachen

au bir mama isch d sai laider nid so beliabt  
do si z leba hasst und das uf si projeziart  
si kriegend an briaf wo si grad vom vater redend  
ufem umschlag z sigel vo sinem arbetgeber

dinna stoht so verherend wia dia nochrict isch  
dass dr vater in dr spotschicht gstorba isch  
d sai isch am brüala jetzt isch ihres ein und alles weg  
und si goht will si weiss was si z macha het

## **ÜBERGANG**

si lauft usem hus mit einiga satang  
und sitzt in da bus richtig lampang  
ganz langsam ufem weg in d grossstadt  
im ferna oschta richtig regaboga

ihri träna rollen über d backa im gsicht  
so schmerzvoll will si ihra vater vermisst  
gsehsch si wia ihres leba verbigoht  
und si unter träna im bus ihschloft

dr bus  
öffnet ihri türa in a welt voller angscht  
in a stadt wo z leba nur mit geldnota klappt  
a hinterwäldler vom land mit wenig geld in dr hand  
isch a gfundnigs fressa für männliche gwalt

zum geld kriaga ohni erlernta bruaf  
/ streift si durch d bars in dr stadt und si luagt, dases  
Klappt / doch für jedi bar wo si bsuacht  
isch si entweder z jung oder eifach nid guat

tagelang git kaina ihra an echti chance  
drumm goht si in dia bar bir klina nebastrossa  
si kriagt ihra job doch si weiss es nonid  
dass dia positivi wendi no verheissigs voll isch

all dia überlanga schichta / langen niana hera  
z geld schickt si zur familia ind berga,  
si sait nid dases sich in dr bar uszahl  
/ obwohl ma ihra lohn immer bar us zahl

ihra mamma schribt zruck dases vielfach nid langt  
si brüchi meh geld dass si gsicht macha kann  
ima briauf mit iskalta sätz und wort  
wo si d sai nid mol frogt wias ihra eigentlich goht

si erkundigt sich bim chef nochera alternativa  
zum meh geld verdiana und sich bir mamma z bewisa  
uf dia vila froga kriagt si a verhängnisvolle antwort  
si söllis doch probiara als tänzerin in bankok

## Übergang 2

si lauft us dr bar ohni ahnig wos lang got  
und sitzt in da bus richtig bangkok  
si het angscht doch isch ufem weg in d grossstadt  
im ferna oschta richtig regaboga

ihri träna rollen über d backa im gsicht  
so schmerzvoll will si ihra vater vermisst  
gsehsch si wia ihres leba verbigoht  
und si unter träna im bus ihschloft

si stoht uf dr stross in dr stadt vo da engel  
an dia gfohra het si kai gedanka verschwendet  
für sex oder drogadealer isches a spielplatz  
so bildet das / a grossa pfler vor wirtschaft

polizishta sind vilfach vo regiariga gwählt  
vili tourishta uf dr suachi noch liabi für geld  
vili thaimaitli ohni mittel träumen voma job  
und werden unwüsend in freudahüser glockt

si überlait wo ma sehr schnell geld verdiana kann  
als jungi exotische tänzerin vom land  
d überzügig machts ihra momentan nid licht  
obwohl si sich denn in dera gogo bar bewirbt

si kann go vortanza / natürlich wird si gnoch  
ma(nn) isch entzückt und überschüttet si mit lob  
si fühlt sich nid wohl dabi doch brücht si dia kohla glich  
si wünscht sich flügel zum davo flüga wia na kohlibris

bises sowit isch tanzt si uf dr theka  
für tourishta us dr schwiz oder england  
ma spendiert ihra drinks zum ihdruck schinda  
as verliaben sich so verdammt vil tourishta

si will ihra weg offasichtlich bibhalta  
bis zum zitpunkt wo ma si ins hotel ihladet  
30'000 baht für a nacht nur mir sai  
As isch klar / das si do nid lang überlait

### **Übergang 3**

Si folgt am tourischt richtig hotelzimmer  
Zum viel geld verdiana muass si opferbringa  
Während er sich vergnügt mit ma heissa bad  
Wartet si im bett uf da unvermeidlich akt

Usem lächla vo früaner isch a bösa blick entstanda  
so hockt si do / und luagt uf z föttali vom vater  
Gsehst si / wia si gär niamert tröschtet  
und sich dia türa vom badzimmer öffnet